

Bugis - Agape Kitta'è - God's Love Letter Scriptures

Yohanes 15:9 Pada-pada Ambo'è mamasèiko, makkuwatoniro Iyya mamasèiko. Sitinajako tette tuwo selaku tau iya Uwamasèiyè.

Yèsaya 43:1,2 - Efesus 2:10 Idi iyanaritu winrunaki Jehovah, nanaolai Kristus Yèsus, nabentu'ki Jehovah kuwammengngi naripogau' gau'-gau' iya makessingngè iya puraè napassadiyangekki.

Yérèmia 1:5 - Galatia 1:15 Iyakiya nasaba akessingeng atinna Jehovah, napilèka ri wettu dè'napa ujaji enrengngè mobbika untu' tumaningiwi.

Yohanes 15:16 Tenniya iko pilè-Ka. Iyya ritu pilèko, sibawa suroko lao untu' mabbuwa maèga -- buwa-buwa iya dè'è nawedding binasa. Nawèrèkko Ambo'è agi-agì muwèllau ri Alèna ri laleng asek-Ku.

3 Yohanes 1:2 massempajang tennapodo madisid-disingngi Saudara sibawa makessing maneng muwi sibawakko, pada-pada nyawamu makessing muto.

Yèsaya 43:4 - 1 Petrus 2:9,10 Iyakiya iko iyanaritu bangsa iya ripilè, imangngimang iya tumaningiyèngngi Arungngè, bangsa iya mapaccingngè, banna untu' Jehovah, umma'na muto Jehovah. Jehovah pilèko sibawa mobbiko massu polè ri pettangngè untu' muttama ri laleng tajanna iya mattappaè, sibawa akkatta kuwammengngi muwappallebbangengngi biritta passalenna sining pangkaukenna iya dè'è padanna. 10 Riyolo tenniyako umma'na Jehovah, iyakiya makkekkuwangngè iko iyanaritu umma'na Jehovah. Riyolo dè' nariyamasèiko ri Jehovah, iyakiya makkekkuwangngè tarimako paressè babuwa.

Yérèmia 31:3 - Efesus 1:4 Riwettu dè'napa naripancaji linoèwè, purani napilè Jehovah naolai Yèsus Kristus sibawa akkatta kuwammengngi mancajiki appunnangen-Na bawang sibawa dè'gaga cellana ri yolo-Na. ri yolo-Na. Nasaba pammaßena Jehovah, na Alèna: Nasaba pammaßena Jehovah,

2 Timotius 1:9 Napassalama'ki Jehovah sibawa naobbiki kuwammengngi namancaji umma' ri Alèna. Napogau'i iyaro tenniya nallalengiwi aga iya puraè ripogau', sangadinna nallalengiwi rancana-Na muto sibawa pammaßena. Nawèrèkki pammaßena naolai Kristus Yèsus riwettu dè'napa naripancaji linoèwè.

Yohanes 3:16 Nasaba makkumani Jehovah namaseinna rupa tauwè ri linoèwè, angkanna Nabbèrèyangngi Ana' Tungke'na, kuwammengngi na tungke' tau iya matepperiyèngngi dè' nabinasa sangadinna lolongengngi

atuwong tongengngè sibawa mennennungengngè.

Hosèa 11:8; Yèsaya 49:15,16; & Yèsaya 41:13,14

**Lukas 12:32 Iko iya cèddè'mi jumellamu, aja' mumètau! Saba' masennang
Ambo'mu mpèrèkko barakka polè ri Apparèntan-Na.**

**Matius 28:20 Paggurui mennang turusiwi sininna iya puraè Uparèntakko. Na
èngngerangngi tuli Usibawakko matu lettuccappurennalinoè.**

Yohanes 14:1 Nakkeda Yèsus lao ri mennang, "Aja' namasara atim-Mu.

Ateppe'no ri Jehovah sibawa ateppe' tono lao ri Iyya.

**Mazmur 23:1 - Yohanes 10:11 Iyya'na pakkampi makessingngè. Pakkampi
iya makessingngè nabbèrèyangngi nyawana untu' sining bimbala'na.**

**Mazmur 23:2 - Wahyu 7:17 saba' Ana' Bimbala' iya tudangngè ri tengnga-
tengngana kadèra arajangngèro mancaji matu pakkampina.**

Nadulungengngi matu mennang lao ri mata uwai iya mabbèrè atuwong.

**Sibawa Jehovah matu sussurengngi sininna uwai matanna polè ri
matanna mennang.**

**Mazmur 23:3,4 - Lukas 1:79 Makkuwani ritu mabbèrèyangngi tajan-Na lao ri
sininna tauwè iya tuwoè ri laleng apettangengngè sibawa
amètaurengngè. Napimpikki ri laleng iya mattujuè ri adamèngengngè.**

**Mazmur 23:5,6 - 2 Korintus 1:10 Iyanaritu iya puraè passalama'ki polè ri
abala amatèng iya battowaèro. Sibawa Alèna ritu matu passalama'ki
matti ri esso-esso rimunri, saba' ri Alènaki mammènasa.**

**Filipi 4:7 Na asalèwangeng polè ri Jehovah iya dè'è nakkullè napahang
tolinoè, jagaiwi matu atimmu sibawa pikkirammu iya massèddiènna
sibawa Kristus Yèsus.**

**Rapang 3:24 & Mazmur 4:8 - Yohanes 14:27 Asalèwangeng Utarongekko.
Asalèwangek-Ku Uwèrèkko. Iya Uwabbèrèyangngèro dè' napada-pada
nabbèrèyangngè linoè lao ri iko. Aja' mumausè, aja' mumètau.**

**Mazmur 33:18 - 1 Petrus 3:12 Saba' Puwangngè tuli jampangiwi sining tau
iya turusiyèngngi èlo-Na, sibawa Puwangngè tuli mèngkalingai sining
sempajanna mennang; iyakiya Puwangngè mèwai sining tau iya
pogau'èngngi majae.**

**Roma 5:2 Nasaba mateppe'ki ri Yèsus Kristus, namakkullèki pèneddingiwi
pammasèna Jehovah, nanasibawangngi iyaro pammasè natuwoki
makkekkuwangngè. Rimakkuvannanaro mariyo-riyo atitta nasaba
mappunnaiki paddennuwang makkedaè riperasai matu asennangengngè
iya nabbèrèyangngè Jehovah!**

**Yèsaya 55:12 - Lukas 19:40 Nappèbali Yèsus, "Ateppe'no! Rèkko
mammekkoi mennang, gorai matu iyaè batu-batuèwè. "**

Yohanes 16:22 Makkuwatoro sibawa iko: makkekkuwangngè masussai

atimmu, iyakiya maèlo-Ka sita paimeng sibawa iko, namarennu atimmu; nadè' sèddi tau mullèi malai arennummuro polè ri atimmu.

Lukas 12:9 Iyakiya tau iya massakkaè ri yolona tau maègaè makkedaè ana' guruk-Kui, riyassakkareng towi matu ri Ana'na Tolinoè ri yolona sining malaèka'na Jehovah.

Matius 10:30 Muwi jumellana gemme'mu ri ulummu pura manetto ribilang.

Yèsaya 54:10 - Matius 24:35 Lenny'e'i matu langiè sibawa linoè, iyakiya ada-adak-Ku tette'i mannennungeng.

Matius 11:28-30 Laono mai ri Iyya iko maneng posoè sibawa pèneddingiyèngngi tane'na tiwiè; maèlo-Ka pètakkariko. 29 Accowèriwi parènta-Ku sibawa agguruno ri Iyya. Saba' Iyya'è malemma kininnawaka, namatakka matu pèneddimmu. 30 Nasaba pasennangi sining parènta-Ku, sibawa maringeng tiwi iya Upatiwiriyèkko.

Salomo 2:10 & Hosèa 2:14,19,20

2 Korintus 11:2 Muddanika lao ri iko, pada-pada muto Jehovah muddani lao ri iko. Iko iyanaritu pada-padai sèddiè ana'dara iya mapackingngè mupa iya puraè uwajjanciyang untu' ripabbotting sibawa sèddiè lakkai, iyanaritu Kristus.

Exodus 3:14 - Ibrani 13:8 Yèsus Kristus tette'i pada, muwi riyolo, makkekkuwangngè, enrengngè lettu mannennungeng.

Hosèa 13:4 - Rasul-Rasul-E 4:12 Yèsus bawang naola nasalama tauwè.

Saba' ri sininna linoè ri yelle'na rupa tauwè dè' sèddi tau laing iya puraè lolongeng akuwasang polè ri Jehovah untu' passalama'ki.

Yohanes 15:14 Iko iyanaritu sellao-sellao-Ku, rèkko mupogau'i aga iya Uparèntangengngèkko.

Yohanes 14:6 Nappèbali Yèsus, "Iyya'na laleng untu' missengngi Jehovah sibawa lolongengngi atuwongngè. Dè' sèddi tau mullèi lao ri Ambo'è, rèkko dè' naola-Ka.

Wahyu 3:20 Itai! Tettok-Ka ri yolona tange'è sibawa maggetto. Rèkko engka tau mèngkalingai saddak-Ku, enrengngè timpa'i tange'è, maèlo-Ka muttama mèwai sita; maèlo-Ka manrè sisama alèna enrengngè alèna manrèi sisama Iyya.